



北狄列傳第一百四十四 唐書二百二十九

端明殿學士兼翰林侍讀學士龍圖閣學士朝請大夫守尚書吏部侍郎充集賢殿脩撰宋祁奉 敕撰

契丹本東胡種其先為匈奴所破保鮮卑山魏書龍中部酋比能稍桀驁為幽州刺史王雄所殺衆遂微徙潢水之南黃龍之北至元魏自號曰契丹地直京師東北五千里而羸東距高麗西奚南營州北鞠鞠室韋旱阻冷陁山以自固射獵居處無常其君大賀氏有勝兵四萬折八部臣于突厥以為侯斤凡調發攻戰則諸部畢會獵則部得自行與

奚不平每闖不利輒遁保鮮卑山風俗與突厥大  
抵略侔死不墓以馬車載尸入山置於樹顛子孫  
死父母且夕哭父母死則否亦無喪期武德中其  
大酋孫敖曹與靺鞨長突地稽俱遣人來朝而君  
長或小入寇邊後二年君長乃遣使者上名馬豐  
貂貞觀二年摩會來降突厥頡利可汗不欲外夷  
與唐合乃請以梁師都易契丹太宗曰契丹突厥  
不同類今已降我尚可索邪師都唐編戶盜我州  
部突厥輒為助我將禽之詎不可易降者明年摩  
會復入朝賜鼓毒縣由是有常貞帝伐高麗悉發酋

長與奚首領從軍帝還過營州盡召其長窟哥及  
老人差賜繒采以窟哥為左武衛將軍大酋辱紇  
主曲據又率眾歸即其部為玄州拜曲據刺史隸  
營州都督府未幾窟哥舉部內屬乃置松漠都督  
府以窟哥為使持節十州諸軍事松漠都督封無  
極男賜氏李以達稽部為峭落州紇便部為彈汗  
州獨活部為無逢州芬間部為羽陵州突便部為  
日連州芮奚部為徒河州隊去斤部為萬丹州伏部  
為匹黎赤山二州俱隸松漠府即以辱紇妻為之  
刺史窟哥死與奚連叛行軍總管阿史德樞質等

執松漠都督阿士固獻東契丹哥有二孫曰祐莫離為左衛將軍彈汗州刺史封歸順郡王曰盡忠為武衛大將軍松漠都督而敖曹有孫曰萬榮為歸誠州刺史於是營州都督趙文翽驕奢數侵侮其下盡忠等皆怨望萬榮本以侍子入朝知中國險易挾亂不疑即共舉兵殺文翽盜營州反盡忠自號無上可汗以萬榮為將縱兵四略所向輒下不重浹衆數萬妄言十萬攻崇州執討擊副使許欽寂武后怒詔雁鳥揚將軍曹仁師金吾大將軍張玄遇右武威大將軍李多祚司農少卿蘇仁節等

二十八將擊之以梁王武三思為榆關道安撫大使納言姚璿為之副更號萬榮曰萬斬盡忠曰盡滅諸將戰西碓石黃虜谷王師敗績玄遇仁節皆為虜禽進攻平州不克敗書聞后乃以右武衛大將軍建安王武攸宜為清邊道大總管擊契丹募天下人奴有勇者官畀主直米發以擊虜萬榮術枝夜襲檀州清邊道副總管張九節募死士數百薄戰萬榮敗而走山俄而盡忠死突厥默啜龍衣破其部萬榮收散兵復振使別將駱務整何阿小入冀州殺刺史陸寶積掠數千人武后聞盡忠死更

詔夏官尚書王孝傑羽林衛將軍蘇宏暉率兵十  
七萬討契丹戰東破石師敗孝傑死之萬榮席已  
勝遂屠幽州攸宜遣將討捕不能克乃命右金吾  
衛大將軍河內郡王武懿宗爲神兵道大摠管右  
肅政臺御史大夫婁師德爲清邊道大摠管右武  
威衛大將軍沙吒忠義爲清邊中道前軍摠管兵  
凡二十萬擊賊萬榮銳甚鼓而南殘瀛州屬縣恣  
肆無所憚於是神兵道摠管楊玄基率奚軍掩其  
尾契丹大敗獲何阿小降別將李楷固駱務整收  
仗械如積萬榮委軍走殘隊復合與奚搏奚四面

攻乃大潰萬榮左馳張九節爲三伏伺之萬榮窮  
與家奴輕騎走路阿東備甚卧林下奴斬其首九  
節傳之東都餘衆潰攸宜凱而還后喜爲赦天下  
改元爲神功契丹不能立遂附突厥以視元年詔  
左玉鈐衛大將軍李楷固右武威衛將軍駱務整  
討契丹破之此兩人皆虜善將嘗犯邊數窘官軍  
者也及是有功開元二年盡忠從父弟都督失活  
以默啜政衰率部落與頡利發伊健啜來歸玄宗  
賜丹書鐵券後二年與奚長李大酺皆來詔復置  
松漠府以失活爲都督封松漠郡王授左金吾衛

大將軍仍其府置靜折軍以失活爲經略大使所  
統八部皆擢其酋爲刺史詔將軍薛泰爲押蕃落  
使督軍鎮撫帝以東平王外孫揚元嗣女爲永樂  
公主妻失活明年失活死贈特進帝遣使弔祠以  
其弟中即將娑固襲封及所領明年娑固與公主  
來朝宴賚有加有可突于者爲靜折軍副使悍勇  
得衆娑固欲去之未決可突于反攻娑固娑固奔  
營州都督許欽澹以州甲五百合奚君長李大酺  
兵共攻可突于不勝娑固大酺皆死欽澹懼徙軍  
入榆關可突于奉娑固從父弟鬱于爲君遣使者

謝罪有詔即拜鬱于松漠郡王而赦可突于鬱于  
來朝授左更令以宗室所出女慕容爲燕郡公主  
妻之可突于亦來朝擢左羽林衛將軍鬱于弟  
吐于嗣與可突于有隙不能定其下攜公三來奔  
封遼陽郡王留宿衛可突于奉盡忠弟邵固統衆  
詔許龍至天子封禪邵固與諸蕃長皆從行在明  
年拜左羽林衛大將軍徙三廣化郡以宗室出女  
陳爲東華公主妻邵固詔官其部酋長百餘人邵  
固以子入侍可突于復來不爲宰相李元絃所禮  
鞅鞅去張說曰彼獸心者唯利是向且方持國下

所附也不假以禮不來矣後三年可突于殺邵固  
立屈烈爲主脅奚鼠共降突厥公主走平盧董詔  
幽州長史知范陽節度事趙含章擊之遣中書舍  
人裴寬給事中薛儁大募壯士拜忠王浚河北道  
行軍元帥以御史大夫李朝隱京兆尹裴奭先副  
之帥程伯獻張文儼宋之悌李東蒙趙萬功郭英  
傑等八摠管兵擊契丹既又以忠王兼河東道諸  
軍元帥王不行以禮部尚書信安郡王禕持節河  
北道行軍副元帥與含章出塞捕虜大破之可突  
于走奚衆隆王以二葉思得給告諸廟明年可突于

溢邊幽州長史薛楚王副摠管郭英傑吳克勤烏  
知義羅守忠率萬騎及奚擊之戰都山下可突于  
以突厥兵來突懼持兩端衆走險知義守忠敗突  
傑克勤死之殺唐兵萬人帝擢張守珪爲幽州長  
史經略之守珪旣善將可突于恐陽請臣而利趨  
西北伺突厥其衙官李過折與可突于內不平守  
珪使客王悔陰邀之以兵圍可突于過折即夜斬  
可突于屈烈及奚衆數十人自歸守珪使過折統  
其部固可突于等首傳東都拜過折北平郡王爲  
松漠都督可突于殘黨擊殺過折屠其家一子刺

乾走安東拜左驍衛將軍二十五年守珪討契丹  
再破之有詔自今戰有功必告廟天寶四載契丹  
大酋李懷秀降拜松漠都督封崇順王以宗室出  
女獨孤為靜樂公主妻之是歲殺公主叛去范陽  
節度使安祿山討破之更封其酋楷落為恭仁王  
氏松漠都督祿山方幸表討契丹以向帝意發幽  
州雲中平盧河東兵十餘萬以奚為嚮導十大戰漢  
水南祿山敗死者數千自是祿山與相侵掠未嘗  
解至其反乃已契丹在開元天寶間使朝獻者無  
慮二十故事以范陽節度為押奚契丹使自至德

後潘鎮擅地務自安郭戍斥候益謹不生事于邊  
奚契丹亦鮮入寇歲選酋豪數十入長安朝會每  
引見賜與有秩其下率數百皆駐館幽州至德寶  
應時再朝獻大曆中十二貞元間三元和中七大  
和開成間凡四然天子惡其外附回鶻不復官爵  
渠長會昌二年回鶻被契丹酋屈戌始復內附拜  
雲麾將軍守右武衛將軍於是幽州節度使張仲  
武為易回鶻所與舊印賜唐新印曰奉國契丹之  
印咸通中其王習爾之再遣使者入朝部落遼疆  
背爾之死族人欽德嗣光啓時方天下盜興北疆



多故乃鈔奚室韋小小部種皆役服之因入寇幽  
薊劉仁恭窮師踰摘星山討之歲燎塞下草使不  
得留牧馬多死契丹乃乞盟獻良馬求牧地仁恭  
許之復敗約入寇劉守光戍平州契丹以萬騎入  
守光偽與和帳飲具于野伏發禽其大將羣胡慟  
願納馬五千以贖不許欽德輸重賂求之乃與盟  
十年不敢近邊欽德晚節政不競其八部大人法  
常三歲代時耶律阿保機建鼓旗爲一部不肯代  
自號爲王而有國大賀氏遂亡  
奚亦東胡種爲匈奴所破保烏九山漢曹操斬其

帥蹋頓蓋其後也元魏時自號庫真奚居鮮卑故  
地直京師東北四千里其地東北接契丹西突厥  
南白狼河北霫與突厥同俗逐水草畜牧居瓊廬  
環車爲宮其君長常以五百人持兵衛牙中餘部  
散山谷間無賦入以射獵爲計稼穡多糝已獲塞山  
下斷木爲白瓦鼎爲飢雜寒水而食喜戰鬪兵有  
五部部一俟斤主之其國西抵大洛泊距回紇牙  
三千里多依土護其水其馬善登其羊黑盛夏必  
徙保冷陁山山直媯州西北至隋始去庫真但曰  
奚武德中高開道借其兵再寇幽州長史王誥擊

破之太宗貞觀二年始來朝闕十七歲凡四朝貞  
帝伐高麗大酋蘇支從戰有功不數年其長可度  
者內附帝為置饒樂都督府拜可度者使持節六  
州諸軍事饒樂都督封樓煩縣公賜李氏以阿會  
部為弱水州颺和部為祁黎州與失部為洛環州  
度稽部為大魯州元俟折部為渴野州各以酋領  
辱紇主為刺史隸饒樂府復置東夷都護府於營  
州兼統松漠饒樂地置東夷校尉顯慶間可度者  
死奚遂叛五年以定襄都督阿史德樞實左武侯  
將軍延陀梯真居延州都督李含珠為冷陁道行

軍朔管明年詔尚書右丞崔餘惠持節撫護定襄  
等二都督討之奚懼乞降斬其王匹帝萬歲通天  
中契丹反奚亦叛與突厥相表裏號兩蕃延和元  
年以左羽林衛大將軍幽州都督孫佺左驍衛將  
軍李楷洛左威衛將軍周以悌帥兵十二萬為三  
軍龍其部次冷陁前軍楷洛與奚酋李大酺戰  
不利佺懼斂軍詐大酺曰我奉詔來慰撫若等而  
楷洛違節度輒戰非天子意方戮以徇大酺曰誠  
慰撫我有所賜乎佺出軍中縉帛袍帶與之大酺  
謝請佺還師舉軍得脫爭先無部伍大酺兵躡之

遂大敗殺傷數萬佗以梯皆爲虜禽迭默啜害之  
朝廷方多故不暇討玄宗開元二年使奧蘇悔落  
丐降封饒樂郡王左金吾衛大將軍饒樂都督詔  
宗室出女立平爲固安公主妻大酺明年身入朝成  
昏始復營州都督府遣右領軍將軍李濟持節護  
送大酺後與契丹可突于鬪死弟魯蘇領其部襲  
王詔兼保塞軍經略大使牙官塞默羯謀叛公主  
置酒誘殺之帝嘉其功賜主累萬會與其母相告  
訐得罪更以盛安公主女韋爲東光公主妻之後  
三年封魯蘇奉誠郡王右羽林衛將軍擢其首領

無慮二千人皆位郎將久之契丹可突于反虜具奚  
衆并附突厥魯蘇不能制奔榆關公主奔平盧幽  
州長史趙含章發清夷軍討破之衆稍自歸明年  
信安王禕降其酋李詩鎖高等部落五千帳以其  
地爲歸義州因以王詩拜左羽林軍大將軍本州  
都督賜帛十萬置其部幽州之偏李詩死子延寵  
嗣與契丹又叛爲幽州張守珪所困延寵降復拜  
饒樂都督懷信王以宗室出女楊爲冥芳公主妻  
之延寵殺公主復叛詔立它酋婆固爲昭信王饒  
樂都督以定其部安祿山節度范陽詭邊功數與

慶曆盛飾俘以獻誅其君李日越料所俘驍壯戍  
雲南終帝世凡八朝獻至德大曆間十二貞元四  
年與室韋攻振武後七年幽州殘其衆六萬德宗  
時兩朝獻元和元年君梅落身入朝拜檢校司空  
歸誠郡王以部酋索氏爲左威衛將軍檀薊州游  
弈兵馬使沒辱孤平州游弈兵馬使皆賜李氏然  
陰結回鶻室韋兵犯西城振武大抵憲宗世四朝  
獻大和四年復盜邊盧龍李載義破之執大將二  
百餘人縛其帥茹瑒來獻文宗賜冠帶授右驍衛  
將軍後五年大首領匿吉朗來朝大中元年北部

諸山奚悉叛盧龍張仲武禽西渠悅悵落二十萬  
取其刺史以下酋二百羊牛七萬輸貯五百乘  
獻京師咸通九年其王突董蘇使大都督莫陸葛入  
朝是後契丹方疆奚不敢元而舉部役屬虜政苛  
奚怨之其酋去諸引別部內附保媯州北山遂爲  
東西奚

室韋契丹別種東胡之北邊蓋丁零苗裔也地據  
黃龍北傍猗越河直京師東北七千里東黑水靺  
鞨西突厥南契丹北瀕海其國無君長惟大酋皆  
號莫賀咄攝等其部而附于突厥小或千戶大數

千戶濱散川谷逐水草而處不稅斂每歲獵即相  
嘯聚事畢士女不相臣制故雖猛悍喜戰而卒不能  
爲疆國刻木爲犁人挽以耕田獲甚穰其氣候多  
寒夏多霧雨冬霜霰其俗富人以五色珠垂頰婚嫁  
則男先備女家三歲而後分以產與婦共載鼓舞  
而還夫死不冉嫁每部共構大棚死者置尸其上  
喪期三年土少金鐵率資於高麗突自有角弓楛矢  
人尤善射每濤西之西保其勃次對二山山多草木  
鳥獸然苦飛畜則巢居以避酋帥死以子弟繼無  
則堆豪築立之密乘牛車遠蔭爲室度水則束薪

爲樺或以皮爲血馬皆草韉繩羈勒所屬或皮蒙  
室或屈木以葦蔭蔭覆徙則載而行其畜無羊少馬  
有牛不用有巨豕食之韋其皮爲服若席其語言  
韃韃也分部凡二十餘曰嶺西部山北部黃頭部  
疆部也大如者部小如者部婆留部訥北部駱丹  
部悉處柳城東北近者二千遠六千里而高麗曰西  
有烏素固部回紇接當俱倫泊之西南自泊而  
東有移塞沒部稍東有塞曷支部最疆部也居墜  
河之陰亦曰燕支河益東有和解部烏羅護部那  
禮部嶺西部直北曰訥比支部北有大山山外曰

大室韋瀕於室建河河之俱倫池而東河南有蒙  
瓦部其北洛坦部水東合那河忽汗河又東貫黑  
水鞞鞞故鞞鞞跨水有南北部而東注於海忽越  
河東南亦與那河合其北有東室韋蓋烏丸東南  
鄙餘人也貞觀五年始來貢豐貂後再入朝長壽  
二年叛將軍李多祚擊定之景龍初復朝獻請助  
討突厥開元天寶間凡十朝獻大曆中十一貞元  
四年與奚共寇振武節度使唐朝臣方郊勞天子  
使者驚而走重室韋執詔使大殺掠而去明年使  
者來謝大和中三朝獻大中中一來咸通特大酋

惟烈與奚自遣使至京師然非顯夷後史官失傳

黑水靺鞨居肅慎地亦曰挹婁元魏時曰勿吉直

京師東北六千里東瀕海西屬突厥南高麗北室

韋離為數十部酋各自治其著者曰粟末部居最

南抵太白山亦曰徒太山與高麗接依粟末水以

居水源於山西北注它涌河稍東北曰汨咄部又

次曰安居骨部蓋東曰拂涅部居骨之西北曰黑

水部粟末之東曰白山部閒遠者三四百里近

二百里白山本臣高麗王師取平壤其衆多入唐

汨咄安居骨等皆奔散寔微無聞焉遺人進入渤

海唯黑水完疆分十六落以南北稱蓋其居最北  
方者也人勁健善步戰常能患它部俗飾髮綴野  
豕牙插雉尾爲冠飾自別於諸部性忍悍善射獵  
無憂戚貴壯賤老居無室廬者負山水坎地梁木其  
上覆以土如丘冢然夏出隨水草冬入處以溺鹽  
面於夷狄最濁穢死者埋之無棺槨殺所乘馬以  
祭其酋曰大莫拂瞞咄咄相承爲長無書契其矣  
石鏃長二寸蓋楛柰遺法畜多家無牛羊有車馬  
田耦以耕車則步推有粟麥土多貂鼠白兔白鷹  
有塩來氣蒸薄鹽新樹顛武德五年渠長阿固郎

始來太宗貞觀二年乃臣附所獻有常以其地爲  
燕州帝伐高麗其北部及與高麗合高惠貞等率  
衆據安市每戰射鞬常居前帝破安市執惠貞收  
鞬鞬兵二千餘悉坑之開元十年其酋倪屬利稽  
來朝玄宗即拜勃利州刺史於是安東都護薛泰  
請置黑水府以部長爲都督刺史朝廷爲置長史  
監之賜府都督姓李氏名曰獻誠以雲麾將軍領  
黑水經略使隸幽州都督訖帝世朝獻者十五大  
曆立凡七貞元一來元和中再初黑水西北又有  
思慕部益北行十日得都利部東北行十日得窟

說部亦號屈設稍東南行。白得莫曳皆部又有  
拂涅震婁越管鐵利等部其地南距渤海北東際  
於海西抵室韋南北袤二千里東西千里拂涅鐵  
利震婁越喜時時通中國而郡利屈設莫曳皆不  
能自通今存其朝京師者附左方拂涅亦稱大拂  
涅開元天寶間八來獻鮫睛貂鼠白兔皮鐵利開  
元中六來越喜七來貞元中一來震婁貞觀間亦  
來貞元一來後渤海盛靺鞨皆役屬之不復與王  
會矣

渤海本粟末靺鞨附高麗者姓大氏高麗滅率衆

保挹婁之東牟山地直營州東二千里南北新羅  
以泥河爲境東窮海西契丹築城郭以居高麗浦  
殘稍歸之萬歲通天中契丹盡忠殺營州都督趙  
勣反有舍利乞乞仲象者與靺鞨酋乞乞羽及  
高麗餘種東走度遼水保太白山之東北阻奧婁  
河樹壁自固武后封乞乞羽爲許國公乞乞仲  
象爲震國公赦其罪比羽不受命后詔王鈐衛大  
將軍李楷固中郎將索仇擊斬之是時仲象已死  
其子祚榮引殘夷遁去楷固窮躡度天門嶺祚榮  
因高麗靺鞨兵拒楷固楷固敗還於是契丹附突



厥王師道絕不克討祿榮即并北羽之衆恃荒遠  
乃建國自號震國王遣使交突厥地方五千里戶  
十餘萬勝兵數萬頌知書契盡得扶餘沃沮并韓  
朝鮮海北諸國中宗時使侍御史張行岌招慰祿  
榮遣子入侍睿宗先天中遣使拜祿榮爲左驍衛  
大將軍渤海郡王以所統爲忽汗州領忽汗州都  
督自是始去靺鞨號專稱渤海玄宗開元七年祿  
榮死其國私謚爲高王子武藝立斤大士宗東北  
諸夷畏臣之私改年曰仁安帝賜典冊襲王并所  
領未幾黑水靺鞨使者入朝帝以其地建黑水州

置長史臨揔武藝召其下謀曰黑水始假道於我  
與唐通異時請吐屯於突厥皆先告我今請唐官  
不吾告是必與唐腹背攻我也乃遣弟門藝及舅  
任雅相發兵擊黑水門藝嘗質京師知利害謂武  
藝言黑水請吏而我擊之是背唐也唐大國兵萬  
倍我與之彊怨我且亡昔高麗盛時土三十萬抗  
唐爲敵可謂雄彊唐兵一臨掃地盡矣今我衆比  
高麗三之一王將違之不可武藝不從兵至境又  
以書圖諫武藝怒遣從兄壹夏代將召門藝將殺  
之門藝懼僥倖路自歸詔拜左驍衛將軍武藝使使

暴明藝罪惡請誅之有詔處之安西好報曰明藝窮來歸我誼不可殺已投之惡地并留使者不遣別詔鴻臚少卿李道遂源復諭曰武藝知之上書斥言陛下不當以妄示天下意必殺明藝帝怒道遂復漏言國事皆左除而陽斥明藝以報後十年武藝遣大將張文休率海賊攻登州帝馳遣明藝發幽州兵擊之使太僕卿金思蘭使新羅督兵攻其南會大寒雪衰犬士凍死過半無功而還武藝望其弟不已募客入東都狙刺於道明藝格之得不死河南捕刺客悉殺之武藝死其國私謚武王

子欽茂立改年大興有詔嗣王及所領欽茂因是赦境內天寶末欽茂徙上京直舊國三百里忽汗河之東訖帝世朝獻者二千九寶應元年詔以渤海爲國欽茂王之進檢校太尉大曆中二十五來以日本舞女十一獻諸朝貞元時東南徙東京欽茂死私謚文王子宏臨早死族弟元義立一歲猜虐國人殺之推宏臨子華瓊爲王復還上京改年中興死謚曰成王欽茂少子嵩鄰立改年正歷有詔授右驍衛大將軍嗣王延中貞元間几四來死謚康王子元瑜立改年永德死謚定王弟言義立

改年朱雀並龍表王女故事死謚僖王弟明忠立改  
年太始立一歲死謚簡王從父仁秀立改年建興  
其四世祖野勃祚榮弟也仁秀頗能討伐海北諸  
部開大境宇有功詔檢校司空龍表王元和中凡十  
六朝獻長慶四寶曆凡再太和四年仁秀死謚宣  
王子新德蚤死孫彝震立改年咸和明年詔龍表爵  
終文宗世來朝十二會昌凡四彝震死弟虔晃立  
死辛錫立咸通時三朝獻初其王數遣諸生詣京  
師大學習識古今制度至是遂為海東盛國地有  
五京十五府六十二州以肅慎故地為上京曰龍

泉府領龍湖渤三州其南為中京曰顯德府領盧  
顯鐵湯梁興六州獾豹故地為東京曰龍原府亦  
曰柵城府領慶臨藉賀四州沃沮故地為南京曰  
南海府領沃晴椒三州高麗故地為西京曰鴨綠  
府領神桓豐正四州曰長嶺府領瑕河二州扶餘  
故地為扶餘府常屯勁兵扞契丹領扶仙二州鄭  
頡府領鄭高二州挹婁故地為定理府領定潘二  
州安邊府領安瓊二州率賓故地為率賓府領華  
益建三州拂涅故地為東平府領伊蒙沌黑比五  
州鐵利故地為鐵利府領廣汾蒲海義歸六州越

喜故地爲懷遠府領達越懷紀富羌福邪芝九川  
安遠府領寧鄯慕常四川又郢銅涑三川爲獨奏  
川涑州以其近涑沫江蓋所謂粟末水也龍原東  
南瀕海日本道也南海新羅道也鴨渌朝貢道也長  
嶺營州道也扶餘契丹道也俗謂王曰可毒夫曰  
聖王曰基下其命爲教王之父曰老王母太妃妻  
貴妃長子曰副王諸子曰王子官有宣詔省左相  
左平章事侍中左常侍諫議居之中臺省右相右  
平章事內史詔誥舍人居之政臺省人內相一人  
居左右相上左右司政各一員左右平章事之下

以比僕射左右允比二丞左六司忠仁義部各一  
卿居司政下支司爵倉膳部部有郎中員外右六  
司智禮信部支司戎計水部卿郎準左以比六官  
中正臺大中正一比御史大夫居司政下少正一  
又有殿中寺宗屬寺有大令文籍院有監令監皆  
有少太常司賓大農寺寺有卿司藏司膳寺寺有  
令丞冑子監有監長巷伯局有常侍等官其武員  
有左右猛賁熊衛羆衛南左右衛比左右衛各大  
將軍一將軍一大抵憲象中國制度如此以品爲  
秩三秩以上服紫牙笏金魚五秩以上服緋牙笏

銀魚六秩七秩淺緋衣八秩綠衣皆木笏俗所貴者曰太白山之菟南海之昆布柵城之豉扶餘之鹿鄭頡之豕率賓之馬顯州之布沃州之縣龍州之細位城之鐵盧城之稻湄沱湖之鯽果有九都之李樂游之梨餘俗與高麗契丹略等幽州節度府與相聘問自營平距京師蓋八千里而遠後朝貢至否史家失傳故叛附無考焉

贊曰唐之德大矣際天所覆悉臣而屬之溥海內外無不州縣遂尊天子曰天可汗三王以來未有以過之至荒區君長待唐爾盡縣乃能國一爲不實隨軛夷縛故蠻琛夷寶踵相逮于廷極熾而衰厥禍內移天寶之後區夏瘡破王官之戍北不踰河西止秦邠凌夷百年逮於亡顧不痛哉故曰治已治人惟聖人能之

北狄列傳第一百四十四

東夷列傳第一百四十五

唐書二百二十

端明殿學士兼翰林侍讀學士龍圖閣學士朝請大夫守尚

書吏部侍郎充集賢殿脩撰臣宋 祁奉 敕撰

高麗本扶餘別種也地東跨海距新羅南亦跨海

距百濟西北度遼水與營州接北靺鞨其君居平

壤城亦謂長安城漢樂浪郡也去京師五千里而

贏隨山屈線為郭南涯沮水王莽宮其左又有國

內城漢城號別都水有大遼少遼大遼出靺鞨西

南山南蘇安市城少遼出遼山西亦南流有梁水

出塞外西行與之合有馬些泉出靺鞨之白山色

若鴨頭號鴨綠水歷國內城西與鹽難水合又西  
南至安市入于海而平壤在鴨綠東南以巨艦濟  
人因恃以為漸擊官凡十二級曰大對盧或曰吐拌  
曰鬱折王圖薄者曰大大使者曰帛衣頭大兄所  
謂帛衣者先人也東國政三歲一易善職則否凡  
代日有不服則相攻王為閉宮守勝者聽為之曰  
大使者曰大兄曰上位使者曰諸兄曰小使者曰  
過節曰先人曰古鄒大加其州縣六十大城置僊  
薩一比都督餘城置處間近支亦號道使比刺史  
有參佐分幹有大模達比衛將軍末客比中郎將

分五部曰內部即漢桂婁部也亦號黃部曰北部  
即絕奴部也或號後部曰東部即順奴部也或號  
左部曰南部即灌奴部也亦號前部曰西部即消  
奴部也王服五采以白羅製冠革帶皆金釵大臣  
青羅冠次絳羅珥兩鳥羽金銀雜釵衫角襖袴大  
口曰革帶黃革履庶人衣褐戴弁女子首巾幘俗  
喜奔投盡是鞠食用邊日簞簞簞洗居依山谷以  
草茨屋惟王宮官府佛廬以瓦窰民盛冬作長坑  
煨火以取煖其治峭法以繩下故少犯叛者叢炬  
灼體乃斬之籍入其家降敗殺人及剽劫者斬盜

者十倍取償殺牛馬者沒爲奴婢故道不撥遺婚  
娶不用幣有受者恥之服父母喪三年兄弟踰月  
除俗多淫祠祀靈星及日箕子可汗等神國左有  
大穴曰神隧每十月王皆自祭人喜學至窮里斯  
家亦相矜勉衢側悉構嚴屋號局堂子弟未婚者  
曹處誦經習射隋末其王高元死異母弟建武嗣  
武德初再遣使入朝高祖下書脩好約高麗人在  
中國者護送中國人在高麗者敕遣還於是建武  
悉搜亡命歸有司且萬人後二年遣使者拜爲上  
柱國遼東郡王高麗王命道士以像法往爲講老

子建武大悅率國人共聽之日數千人帝謂左右  
曰名實須相副高麗雖臣於隋而終拒煬帝何臣  
之爲朕務安人何必受其臣裴矩溫彥博諫曰遼  
東本箕子國魏晉時故封內不可不臣中國與夷  
狄猶太陽於列星不可以降乃止明年新羅百濟  
上書言建武閉道使不得朝且數侵人有詔散騎  
侍郎朱子奢持節諭和建武謝罪乃請與二國平  
太宗已禽突厥頡利建武遣使者賀并上封域圖  
帝詔廣州司馬長孫師臨瘞隋士戰鬪毀高麗所  
立京觀建武懼乃築長城千里東北首扶餘西南



屬之海又之遣太子相權入朝獻方物帝厚賜資  
詔使者陳大德持節入勞日觀豐大德入其國厚  
餉官守悉得其織曲見華人流客者為道親戚存  
亡人人垂涕故所至士女夾道觀建武盛陳兵見  
使者大德還奏帝悅大德又言聞高昌滅其大  
對盧三至館有加禮焉帝曰高麗地止四郡我發  
卒數萬攻遼東諸城必救我以舟師自東萊颶海  
趨平壤固易然天下甫平不欲勞人耳有蓋蘇文  
者或號蓋金姓泉氏自云生水中以感眾性忍暴  
父為東部大人對盧死蓋蘇文當嗣國人惡之

不得立頓首謝眾請攝職有不可雖廢無悔眾哀  
之遂嗣位殘凶不道諸大臣與建武議誅之蓋蘇  
文覺悉召諸部給云大閱兵列饜具請六臣臨視  
賓至盡殺之凡百餘人馳入宮殺建武殘其尸投  
諸溝更立建武弟之子藏為王自為莫離支專國  
猶唐兵部尚書中書令職云貌魁秀美須髯冠服  
皆飾以金佩五刀左右莫敢仰視使貴人伏諸地  
踐以升馬出入陳兵長呼禁切行人畏竄至投坑  
谷帝聞建武為下所殺惻然遣使者持節弔祭或  
勸帝可遂討之帝不欲因喪伐罪乃拜藏為遼東

郡王高麗王帝曰蓋蘇文殺君攘國朕取之易耳  
不願勞人若何司空房玄齡曰陛下士勇而力有  
餘哉不用所謂止戈爲武者司徒長孫無忌曰高  
麗無一介告難宜賜書安尉之隱其患撫其存彼  
當聽命帝曰善會新羅遣使者上書言高麗百濟  
聯和將見討謹歸命天子帝問若何而免使者曰  
計窮矣惟陛下哀憐帝曰我以偏兵率契丹靺鞨  
入遼東而國可紓一歲一策也我以絳袍丹幟數  
千賜而國至建以陣二國見謂我師至必走二策  
也百濟恃海不脩戎械我以舟師數萬龍襲之而國

汝君故爲鄰侮我以宗室主而國待安則自守之  
三策也使者計孰取使者不能對於是遣司農丞  
相里玄獎以璽書讓高麗且使止勿攻使未至而  
蓋蘇文已取新羅一城玄獎論帝旨答曰往隋見  
侵新羅棄豐奪我地五百里今非盡反地兵不止  
玄獎曰往事烏足論邪遼東故中國郡縣天子且  
不取高麗焉得違詔不從玄獎還奏帝曰莫離支  
殺君虐用其下如獲罪怨庸溢道找出師無名哉  
諫議大夫褚遂良曰陛下之兵度遼而克固著萬  
分一不得逞且再用師再用師安危不可億兵部

尚書李勣自不然曩裴薛延陀盜邊陛下欲追擊魏  
徵苦諫而止向若擊之一馬不生返後復畔擾至  
今爲恨帝曰誠然但一慮之失而尤之後誰爲我  
計者新羅數請援乃下兵船四百柁輸糧詔營州  
都督張儉等發幽營兵及契丹奚靺鞨等出討會  
遼蓋師還莫離支懼遣使者內金帝不納使者又  
言莫離支遣官五十人宿衛帝怒責使者曰而等  
李質高武而不伏節死義又爲逆子謀不可赦悉  
下之獄於是帝欲自將討之乃長安耆老勞曰遼  
東故中國地而莫離支賊殺其主朕將自行經略

之故與父老約子若孫從我行若我能拊循之母  
庸卹也即摩賜布粟群臣皆勸帝母行帝曰吾知  
之矣去本而就末捨高以取下釋近而之遠三者  
爲不祥伐高麗是也然蓋蘇文祗君又戮大臣以  
逞一國之人延頸待救議者顧未亮耳於是北輸  
粟營州東儲粟古大人城帝幸洛陽乃以張亮爲  
平壤道行軍大總管常何左難當副之冉仁德劉  
英行張文幹龐孝泰程名振爲總管帥江吳京洛  
募兵凡四萬兵艘五百泛海趨平壤以李勣爲遼  
東道行軍大總管江夏王道宗副之張士貴張儉

執失思力契必何力阿史那彌射姜德本麴智盛  
吳黑闥爲行軍總管隸之帥騎士六萬趨遼東詔  
曰朕所過管頓毋飭食毋豐且怪水可涉者勿作橋  
梁行在非近州縣不得令學生耆老迎謁朕昔提  
戈撥亂無盈曰儲猶所嚮風靡今幸家給人足祇  
恐勞於轉餉故驅牛羊以飼軍且朕必勝有五以  
我大繫彼小以我順討彼逆以我安乘彼亂以我  
逸敵彼勞以我悅當彼怨渠憂不克邪又發契丹  
奚新羅百濟諸君長兵悉會十九年二月帝自洛  
陽次定州謂左右曰今天下大定唯遼東未賓後

嗣因士馬盛彊謀臣導以征討喪亂方始朕故自  
取之不遺後世憂也帝坐城門過兵人人撫慰疾  
病者親視之敕州縣治療士大悅長孫無忌白奏  
天下符魚悉從而宮官止十人天下以爲輕神器  
帝曰士度遼十萬皆去家室朕以十人從尚惡其  
多公止勿言帝身置蠶室房結兩服於鞞四月勦濟  
遼水高麗皆嬰城守帝大饗食士帳幽州之南詔長  
孫無忌誓師乃引而東勦攻蓋牟城拔之得戶二  
萬糧十萬石以其地爲蓋州程名振攻沙卑城夜  
入其西城潰虜其口八千游兵鴨綠上勦遂圍遼

東城帝次遼澤詔逐隋戰士露路高麗發新城國  
內城騎四萬救遼東道宗率張君又逆戰君又却  
道宗以騎馳之虜兵辟易奪其梁收散卒乘高以  
望見高麗陣蹶急擊破之斬首千餘級殊君又以  
徇帝度遼水徹杠約堅士心營馬首山身到城下  
見士填塹分負之重者馬上持之羣臣震懼爭挾  
塊以進城有朱蒙祠祠有鎖甲鉞矛妄言前燕出  
天所降方圍惡飾美女以婦神巫言朱蒙悅城必  
完勦列拋車飛大石過二百步所當輒潰虜積木  
爲樓結組罔不能拒以衝車撞陴屋碎之時公濟

上金髮鎧又以玄金爲山五文鎧士被以從帝與  
勦會中光炫日會南風急士縱火焚西南燹延城  
中屋幾盡人死子燎者萬餘衆登陴虜蒙盾以拒  
士舉長矛春之藺石如雨城遂潰獲勝兵萬戶四  
萬糧五十萬石以其地爲遼州初帝自太子所屬  
行在舍置一烽約下遼東舉烽是日傳燎入塞進  
攻白崖城城負山崖水險甚帝壁西北虜酋孫伐  
音陰丐降然城中不能一帝賜幟曰若降建于堞  
以信俄而舉幟城人皆以唐兵登矣乃降初伐音  
中悔帝怒約以虜口界諸將及是李勣曰士奮而

先貪虜獲也。今城危拔不可許降。以孤士心。帝曰：將軍言是也。然縱岳殺戮略人妻孥，朕不忍將軍麾下有功者，朕能以庫物當之。庶因將軍贖一城乎？獲男女凡萬，兵二千，以其地爲巖州。拜伐音爲刺史，莫離友以加尸人七百。成盡牟勣，俘之請自効。帝曰：而家加尸，乃爲我戰將，盡戮矣。夷一姓，求一人力不可稟，而縱之。次安市，於是高麗北部僣薩高延壽、南部僣薩高惠真引兵及靺鞨衆十五萬來援。帝曰：彼若勒兵連安市而壁據高山，取城中粟食之，縱靺鞨略吾牛馬攻之，不可下。此上策。

也。拔城夜去，中策也。與吾爭鋒，則禽矣。有大對虜爲延壽計曰：吾聞中國亂，蒙雄並奮，秦王神武，敵無堅戰，無前遂定天下。南面而帝北狄，西戎罔不臣。今掃地而來，謀臣重將皆在其鋒，不可校。今莫若頓兵曠日，陰遣奇兵絕其饒道，不旬月糧盡，欲戰不得，歸則無路，乃可取也。延壽不從。引軍距安市四十里，而屯。帝曰：虜情善，策中矣。命左衛大將軍阿史那社爾以突厥千騎嘗之。虜常以靺鞨銳兵居前，社爾兵接而北。延壽曰：唐易與耳。進一舍倚麓而陣。帝詔延壽曰：我以爾有疆臣賊殺其王。

來問罪即交戰非我意延壽謂然按甲俟帝夜召  
諸將使李勣率步騎萬五千陣西嶺當賊長孫无  
忌牛進達精兵萬人出虜背狹谷帝以騎四千偃  
幟趨虜北山上令諸軍曰聞鼓聲而縱張幄朝堂  
曰明日日中納降虜於此是夜流星墜延壽營曰  
日虜視勣軍少即戰帝望无忌軍塵上命鼓角作  
兵幟四合虜惶惑將分兵禦之衆已蹶勣以步騎  
擊敗之无忌乘其後帝自山馳下虜大亂斬首二  
萬級延壽收餘衆負山自固无忌勣合圍之滸川  
梁斷歸路帝按轡觀虜營壘曰高麗傾國來一麾

而破天贊我也下馬再拜謝況于天延壽等度勢  
窮即舉衆降入轅門膝而前拜手請命帝曰後敢  
與天子戰乎惶汗不得對帝料酋長二千五百人  
悉官之許內徙餘衆二萬縱還之誅靺鞨三千餘  
人獲馬牛十萬明光鎧萬領高麗震駭后黃銀二  
城自技去數百里無舍煙乃驛報太子并賜諸臣  
書曰朕自將若此云何因號以幸山為駐驂山圖  
破陣狀勒石紀功拜延壽鴻臚卿惠貞司農卿侯  
騎獲覘人帝解其縛自言不食且二日命飼之賜  
以喬遣曰歸語莫離支若須軍中進退可遣人至

吾所帝每營不作塹壘謹斥候而已而士運糧雖  
軍騎虜不敢鈔帝與勣議所攻帝曰吾聞安市地  
險而衆悍莫離支擊不能下因與之建安恃險絕  
粟多而士少若出其不意攻之不相救矣建安得  
則安市在吾腹中勣曰不然積糧遼東而西擊建  
安賊將梗我歸路不如先攻安市帝曰善遂攻之  
未能下延壽惠真謀曰烏骨城傳薩已奉朝攻而  
夕可下烏骨拔則平壤舉矣羣臣亦以張亮軍在  
沙城召之一昔至若取烏骨度鴨渌迫其腹心計  
之善者无已心曰天子行師不徵幸安市衆十萬在

吾後不如先破之乃驅而南萬全勢也乃止城中  
見帝旌麾輒乘陴譟帝怒勣請破日男子盡誅虜  
聞故死戰江身王道宗築距闔攻東南虜增陴以  
守勣攻其西撞車所壞隨輒串柵爲樓帝聞城中  
鷄雉聲曰圍久矣無黔煙今鷄雉鳴必殺以饗良士  
虜且夜出詔嚴兵丙夜虜數百人縋而下悉禽之  
道宗以樹枝裹土積之距闔成迫城不數丈果毅  
都尉傳伏愛守之自高而排其城城且頽伏愛私  
去所部虜兵得自頽城出據而塹斷之積火縈着  
固守帝怒斬伏愛敕諸將擊之三日不克有詔班



師拔遼蓋二州之人以歸兵過城下城中屏息復  
旗酋長登城拜帝嘉其守賜絹百匹遼州粟尚  
十萬斛士取不能盡帝至渤錯水阻淖八十里車  
騎不通長孫无忌揚師道等率萬人斬樵築道騾  
車爲梁帝負薪馬上助役十月兵畢度雪甚詔屬  
燎以待濟始行士十萬馬萬匹逮還物故裁千餘  
馬死十八船師七萬物故亦數百詔集戰骸葬柳  
城祭以太牢帝臨哭從臣皆流涕帝怒飛騎入臨  
渝關皇太子迎道左初帝與太子別御褐袍曰俟  
見爾乃更袍歷二時弗易至穿穴羣臣請更服帝

曰士皆敝衣吾可新服邪及是太子進紵衣乃御  
遼降口萬四千當沒爲奴婢前集幽州將分賞士  
帝以父子夫婦離析詔有司以布帛贖之原爲民  
列拜謹舞三日不息延壽旣降以憂死獨惠貞至  
長安明年春藏遣使者上方物且謝罪獻二姝口  
帝敕還之謂使者曰色者人所重然愍其去親戚  
以傷乃心我不取也初師還帝以弓服賜蓋蘇文  
受之不遣使者謝於是下詔削棄朝貢又明年三  
月詔左武衛大將軍牛進達爲青丘道行軍大摠  
管右武衛將軍李海岸副之自萊州度海李勣爲

遼東道行軍大總管右武衛將軍孫貳朗右屯衛  
大將軍鄭仁泰副之率營州都督兵繇新城道以  
進次南蘇木底虜兵戰不勝焚其郭七月進達等  
取石城進攻積利城斬級數千乃皆還藏遣子莫  
離支高任武來朝因謝罪二十二年詔右武衛大  
將軍薛萬徹爲青丘道行軍大總管右衛將軍裴  
行方副之自海道入部將古神感與虜戰曷山虜  
潰虜乘賔龍衣我舟伏兵破之萬徹度鴨綠次泊灼  
城拒四十里而舍虜懼皆棄邑居去大酋所夫孫  
拒戰萬徹擊斬之遂圍城破其拔兵三萬乃還帝

與長孫无忌計曰高麗困吾師之入戶亡耗田歲  
不收苦蓋蘇文築城增陴下飢卧死溝壑不勝數矣  
明年以三十萬衆公爲大總管一舉可滅也乃詔  
劔南大治船蜀人願輸財江南計直作舟舟取練  
千二百巴蜀大騷邛眉雅三州獠皆反發隴西峽  
內兵二萬擊定之始帝決取虜故詔陝州刺史孫  
伏伽萊州刺史李道裕儲糧械於三山浦烏胡島  
越州都督治大艦偶舫以待會帝崩乃皆罷藏遣  
使者奉慰永徽五年藏以靺鞨兵攻契丹戰新城  
大風矢皆還激爲契丹所乘大敗契丹少野復戰

人死相藉積尸而家之遣使者告捷高宗爲露布于朝六年新羅訴高麗韓鞞奪三十六城惟天子哀救有詔營州都督程名振左衛中郎將蘇定方率師討之至新城敗高麗兵火外郭及墟落引還顯慶三年復遣名振率薛仁貴攻之未能克後二年天子已平百濟乃以左驍衛大將軍契苾何力右武衛大將軍蘇定方左驍衛將軍劉伯英率諸將出沮江遼東平壤道討之龍朔元年大募兵拜置諸將天子欲自行蔚州刺史李君球建言高麗小醜何至傾中國事之有如高麗旣滅必發兵以

守少發則威不振多發人不安是天下疲於轉戍臣謂征之未如勿征滅之未如勿滅亦會武后苦邀帝乃於六月定方破虜兵於沮江奪馬邑山遂圍平壤明年龐孝泰以嶺南兵壁蛇水蓋蘇文攻之舉軍沒定方解而歸乾封元年藏遣子男福從天子封泰山還而蓋蘇文死于男生代爲莫離支與弟勇建男產相怨男生據國內城遣子獻誠入朝求救蓋蘇文弟淨土亦請割地降乃詔契苾何力爲遼東道安撫大使左金吾衛將軍龐同善營州都督高儀爲行軍總管左武衛將軍薛仁貴左

監門將軍李謹行殿而行九月同善破高麗女男  
生率師來會詔拜同善特進遼東大都督兼平壤  
道安撫大使封玄菟郡公又以李勣為遼東道行  
軍大總管兼安撫大使與契苾何力龐同善并力  
詔獨孤烟雲由鴨綠道郭待封積利道劉仁願畢  
列道金特問海谷道裴為行軍總管受勣節度轉  
燕趙食倉意黃明年正月勣引道次新城合諸將  
謀曰新城賊西鄙不先圍城未易下遂辟西南  
山臨城城人縛成自出降勣進拔城十有八郭待  
以舟師濟海趨平壤三年二月勣率仁貴拔扶

餘城它城三十皆納款同善偃守新城男建遣兵  
襲之仁貴救偃戰金山不勝高麗鼓而進銳甚仁  
貴橫擊大破之斬首五萬級拔南蘇木底蒼巖三  
城引兵略地與勣會侍御史賈言忠計事還帝問  
軍中云何對曰必克昔先帝問罪所以不得志者  
虜未有豐也謗曰軍無媒中道回今男生兄弟閱  
很為我鄉導虜之情偽我盡知之將忠士力臣故  
曰必克且高麗秘記曰不及九百年當有八十大  
將滅之高氏自漢有國今九百年勣年八十矣虜  
仍荐飢人相掠賣地震裂狼狐入城蚡冗於門人

心危駭是行不再舉矣男建以兵五萬襲扶餘勦破之薩賀水上斬首五千級俘口三萬器械牛馬稱之進拔大行城劉仁願與勦會後期召還當誅赦流姚州契苾何力會勦軍于鴨渌拔辱夷城悉師圍平壤九月藏遣男產率首領百人樹素幡降且請入朝勦以禮見而男建猶固守出戰數北大將淳屠信誠遣謀約內應五日闔啓兵譟而入火其門鬱燭四興男建窘急自刺不殊執藏男建等收凡五部百七十六城戶六十九萬詔勦使道獻俘昭陵凱而還十一月帝坐含元殿弘見勦等數

俘于廷以藏素勦制赦爲司平太常伯男產司宰少卿投男建黔州百濟王扶餘隆嶺外以獻誠爲司衛卿信誠爲銀青光祿大夫男生右衛大將軍何力行左衛大將軍勦兼太子太師仁貴威衛大將軍剖其地爲都督府者九州四十二縣百復置安東都護府擢酋豪有功者授都督刺史令與華官參治仁貴爲都護摠兵鎮之是歲郊祭以高麗平謝成于天摠章二年徙高麗民三萬於江淮山南大長鉗牟岑率衆反立藏外孫安舜爲王詔高麗備東州道李謹行燕山道並爲行軍摠管討之遣

司平太常伯楊昉綏納亡餘舜殺鉗牟岑走新羅  
品徙都護府治遼東州破叛兵於安市又敗之泉  
山俘新羅援兵二千李謹行破之于發盧河再戰  
俘誠萬計於是平壤痍殘不能軍相率奔新羅凡  
四年乃平始謹行留妻劉守伐奴城虜攻之劉擐  
甲勒兵守賊引去帝嘉之封燕郡夫人儀鳳二年  
授藏遼東都督封朝鮮郡王還遼東以安餘民先  
編僑內州者皆原遣徙安東都護府於新城藏與  
靺鞨謀反未及發乃還放邛州斬其人于河南隴  
右弱窶者留安東藏以永淳初死贈衛尉卿葬頡

利墓左樹碑其阡舊城往往入新羅遺人散奔突  
厥靺鞨由是高句麗長官絕垂拱中以藏孫寶元  
爲朝鮮郡王聖曆初進左鷹揚衛大將軍更封忠  
誠國王使統安東舊部不行明年以藏子德武爲  
安東都督後稍自國至元和末遣使者獻樂工云矣  
百濟扶餘別種也直京師東六千里而贏濱海之  
陽西界越州南倭北高麗皆踰海乃至其東新羅  
也王居東西二城官有內臣佐平者宣納號令內  
頭佐平主帑聚內法佐平主禮衛士佐平典衛兵  
朝廷佐平主獄兵官佐平掌外兵有六方方統十

郡大姓有八沙氏燕氏弼氏解氏貞氏國氏木氏  
首氏其法反逆者誅籍其家殺人者輸奴婢三贖  
罪吏受賕及盜三倍償錮終身俗與高麗同有三  
島生黃漆六月刺取潘色若金玉服太腹紫袍青  
錦袴素皮帶烏革履烏羅冠飾以金縷羣臣絳衣  
飾冠以銀縷禁民衣絳紫有文籍紀時月如華人  
武德四年王扶餘璋始遣使獻果下馬自是數朝  
貢高祖冊爲帶方郡王百濟王後五年獻明光鎧  
且訟高麗梗貢道太宗貞觀初詔使者平其怨又  
與新羅世仇數相侵帝賜璽書曰新羅朕蕃臣王

之鄰國間數相侵是朕已詔高麗新羅申和王宜  
忘前怨識朕本懷璋奉表謝然良亦不止冊遣使  
朝上鐵甲雕斧帝優勞之賜帛段三千十五年璋  
死使者素服奉表曰君外臣百濟王扶餘璋卒帝  
爲舉哀立武明贈光祿大夫賻賜甚厚命祠部郎  
中鄭文表冊其子義慈爲柱國紹王義慈事親孝  
與兄弟友時號海東曾子明年與高麗連和伐新  
羅取四十餘城發兵守之又謀取棠項城絕貢道  
新羅告急帝遣司農丞相里玄將齋詔書諭解聞  
帝新討高麗乃間取新羅七城久之又奪十餘城

因不朝貢高宗立乃遣使者來帝詔義慈曰海東  
三國開基舊矣地固犬牙比者隙爭侵校無寧歲  
新羅高城重鎮皆為王并歸窮于朕丐王歸地昔  
齊桓一諸侯尚存亡國況朕萬方主可不卹其危  
邪王所兼城宜還之新羅所俘亦畀還王不如詔  
者任王汝戰朕將發契丹諸國度遼深入王可思  
之無後悔永徽六年新羅訴百濟高麗靺鞨取北  
境三十城顯慶五年乃詔左衛大將軍蘇定方為  
神丘道行軍大摠管率左衛將軍劉伯英右武衛  
將軍馮士貴左驍衛將軍龐孝泰發新羅兵討之

自城山濟海百濟守熊津口定方縱擊虜大敗  
師乘潮帆以進趨真都城一舍止虜悉眾拒復破  
之斬首萬餘級拔其城義慈挾太子隆走北鄙定  
方圍之次子泰自立為王率眾固守義慈孫文思  
曰王太子固在叔乃自王若唐兵解去如我父子  
何與左右繼而出民皆從之泰不能止定方令士  
超堞立幟泰開門降定方執義慈隆及小王孝演  
酋長五十八人送京師平其國五部三十七郡二  
百城戶七十六萬乃析置熊津馬韓東明金漣德  
安五都督府擢酋渠長治之命郎將劉仁願守百



濟城左衛郎將王文度爲熊津都督九月定方以  
所俘見詔釋不誅義慈病死贈衛尉卿許舊臣赴  
臨詔葬孫皓陳叔寶墓左授隆司稼卿文度濟海  
卒以劉仁軌代之璋從子福信嘗將兵乃與浮屠  
道琛據周留城反迎故王子扶餘豐於倭立爲王  
西部皆應引兵圍仁願龍朔元年仁軌發新羅兵  
往救道琛立二壁能津江仁軌與新羅兵夾擊之  
奔入壁爭梁墮溺者萬人新羅兵還道琛保任孝  
城自稱領軍將軍福信深州霜岑將軍告仁軌曰聞  
唐與新羅約破百濟無以七孺皆殺之畀以國我與

受死不若戰仁軌遣使齎書且各說道琛倨甚館使  
者于外嫚報曰使人官小我國大將禮不當見徒  
遣之仁軌以衆少乃休軍養威請合新羅圖之福  
信俄殺道琛并其兵豐不能制二年七月仁願等  
破之熊津拔支羅城夜薄其峴比明入之斬首八  
百級新羅餉道乃開仁願請濟師詔右威衛將軍  
孫仁師爲熊津道行軍總管發衆兵七千往福信  
顯國謀殺豐豐奉親信斬福信與高麗倭連和仁  
願已得齊兵士氣振乃與新羅王金法敏率步騎  
而遣劉仁軌率舟師自熊津江潛進趨周留城豐

與屯白江口四遇皆克火四百履盡走不知所  
在偽王子扶餘忠勝忠志率殘眾及倭人請命諸城  
皆復仁願勸軍還留仁軌代守帝以扶餘隆為熊  
津都督俾歸國平新羅故憾招還遺人麟德二年  
與新羅王會熊津城刑白馬以盟仁軌為盟辭曰  
往百濟先王罔顧逆順不敦鄰不睦親與高麗倭  
共侵削新羅破邑屠城天子憐百姓無辜命行人  
脩好先王負險恃遐侮慢弗恭皇赫斯怒是伐是  
夷但興亡繼絕王者通制故前太子隆為熊津  
都督守其祭祀附杖新羅長為與國結好除怨恭

天子命永為藩服右威衛將軍魯城縣公仁願親  
臨厥盟有貳其德興兵動眾明神監之百殃是降  
子孫不育社稷無守世世毋敢犯乃作金書鐵契  
藏新羅廟中仁願等還隆畏眾攜散亦歸京師儀  
鳳時進帶方郡王遣歸藩是時新羅疆隆不敢入  
舊國寄治高麗死武后又以其孫敬龍娶王而其地  
已為新羅渤海靺鞨所分百濟遂絕

新羅弁韓苗裔也居漢樂浪地橫千里縱二千里  
東距長人東南日本西百濟南瀕海北高麗而王  
居金城環八里所衛兵三千人謂城為侵牟羅邑

在內曰喙評外曰邑勤有喙評六邑勤五十一朝  
服尚白好祠山神八月望日大宴資官吏射其建  
官以親屬爲上其族各第一骨第一骨以自別兄  
弟女姑姨從姊妹皆聘爲妻王族爲第一骨妻亦  
其族生子皆爲第一骨不娶第二骨女雖娶常爲  
妾媵官有宰相侍中司農卿太府令凡十有七等  
第一骨得爲之事必與衆議號和白一人異則罷  
宰相家不絕祿奴僮二千人甲兵牛馬猪稱之畜  
收海中山須食乃射息穀米於人償不滿庸爲奴  
婢王姓金貴人姓朴民無氏有名食用柳栝若銅

瓦元日相慶是日拜日月神男子褐袴婦長襦見  
人必跪則以手拮地爲恭不粉黛率美髮以繚首  
以珠綵飾之男子前翦髮髮鬚南冒以黑巾市皆婦女貧  
販冬則作竈堂中夏以食置冰上畜無羊少驢羸  
多馬馬雖高大不善行長人者人類長二丈鋸牙  
鉤爪黑毛覆身不火食噬禽獸或搏人以食得婦  
人以治衣服其國連山數千里有峽固以鐵闔號  
關門新羅常屯弩士數千守之初百濟伐高麗來  
請救悉兵往破之自是相攻不置後獲百濟王殺  
之滋結怨武德四年王真平遣使者入朝高祖詔

通直散騎侍郎庾文素持節咨賚後二年拜柱國  
封樂浪郡王新羅王貞觀五年獻女樂二太宗曰  
比林邑獻鸚鵡言思鄉巧還沉於人乎付使者歸  
之是歲真平死無子立女善德爲王大臣乙祭柄  
國詔贈真平左光祿大夫賻物段二百九年遣使  
者冊善德襲父封國人號聖祖皇姑十七年爲高  
麗百濟所攻使者來乞師亦會帝親伐高麗詔率  
兵以披虜勢善德使兵五萬入高麗南鄙拔水口  
城以聞二十一年善德死贈光祿大夫而妹姪具德  
襲王明年遣子文王及弟伊贊具子春秋來朝拜文

王左武衛將軍春秋特進因請改章服從中國制  
內出珍服賜之又詣國學觀釋奠講論帝賜所製  
晉書辭歸敕二品以上郊餞高宗永徽元年攻百  
濟破之遣春秋子法敏入朝真德織錦爲頌以獻  
曰巨唐開洪業巍巍皇猷昌止戈成大定興文繼  
百王統天崇雨施治物體含章深仁諧日月撫運  
邁時康幡旛旣赫赫鉦鼓何鏗鏗外夷違命者翦  
覆被天殃淳風凝幽顯遐邇競呈祥四時和玉燭  
七耀巡萬方維岳降宰輔維帝任忠良三五成一  
德昭我唐家唐帝美其意擢法敏太府卿五年真

德死帝爲舉哀贈開府儀同三司賜綵段三百命  
太常丞張文收持節弔祭以春秋襲王明年百濟  
高麗靺鞨共伐取其三十城使者來請救帝命蘇  
定方討之以春秋爲隅夷道行軍總管遂平百濟  
龍朔元年死法敏襲王以其國爲鷄林州大都督  
府授法敏都督咸亨五年納高麗叛衆略百濟地  
守之帝怒詔削官爵以其弟右驍衛直尉大將軍  
臨海郡公仁問爲新羅王自京師歸國詔劉仁軌  
爲鷄林道大總管衛尉卿李弼右領軍大將軍李  
謹行副之發兵窮討上元二年二月仁軌破其衆

於七重城以靺鞨兵浮海略南境斬獲甚衆詔李  
謹行爲安東鎮撫大使屯買肖城二戰虜皆北法  
敏遣使入朝謝罪貢篚相望仁問乃還辭王詔復  
法敏官爵然多取百濟地遂抵高麗南境矣置尚  
良康熊全武漢朔溟九州州有都督統郡十或二  
十郡有大守縣有小守開耀元年死子政明襲王  
遣使者朝丐唐禮及它文辭武后賜百凶禮并文  
詞五十篇死子理洪襲王死弟興光襲王文宗開  
元中數入朝獻果下馬朝霞紬魚牙紬海豹皮又  
獻一女帝曰女皆王姑姊妹違本俗別所親朕不

忍留厚賜還之又遣子弟入太學學經術帝間賜與光瑞文錦五色羅紫繡紋袍金銀精器與光亦上異狗馬黃金美髯諸物初渤海靺鞨掠登州與光擊走之帝進興光寧海軍大使使攻靺鞨二十五年死帝尤悼之贈太子太保命邪壽以鴻臚少卿弔祭子承慶襲王詔壽曰新羅號君子國知詩書以卿惇懦故持節往宜演經誼使知大國之盛又以國人善棋詔率府兵曹參軍楊季應為副國高弈皆出其下於是厚遣使者金寶俄冊其妻朴為妃承慶死詔使者臨弔以其弟憲英嗣王帝在

蜀遣使沂江至成都朝正月大曆初憲英死子敬運立甫非遣金隱居入朝待命詔倉部郎中歸崇敬往弔監察御史陸珽顧惜為副冊受之并母金為太妃會其宰相爭權相攻國大亂二歲乃定於是歲朝獻建中四年死無子國人共立宰相金良相嗣貞元元年遣戶部郎中蓋墳持節命之是年死立良相從父弟敬信襲王十四年死無子立嫡孫俊邑明年遣司封郎中韋丹持冊未至俊邑死丹還子重興立永貞元年詔兵部郎中元季方冊命後二年使者金力奇來謝且言往歲冊故主俊

邕爲主母申太妃妻叔妃而後邕不幸冊今留省  
中臣請授以歸又爲其宰相金彥昇金仲恭王之  
弟蘇金添明巧門戟詔皆可凡再朝貢七年死彥  
昇立來告喪命職方員外郎崔廷弔且命新王以  
妻貞爲妃長慶寶曆間再遣使者來朝留宿衛彥  
昇死子景徽立太和五年以太子左諭德源寂冊  
弔如儀開成初遣子義琮謝願留衛見聽明年遣  
之五年鴻臚寺籍實子及學生歲滿者一百五人  
皆還之有張保臯鄭年者皆善鬪戰工用捨年復  
能沒海獲其地五十里不啞角其勇健保臯不及

也年以兄呼保臯保臯以齒年以藝常不相下自  
其國皆來爲武寧軍小將後保臯歸新羅謁其王  
曰遍中國以新羅人爲奴婢願得鎮清海使賊不  
得掠人西去清海海路之要也王與保臯萬人守  
之自大和後海上無鬻新羅人者保臯旣貴於其  
國年飢寒客漣水一日謂戍主馮元規曰我欲東  
歸乞食於張保臯元規曰若與保臯所負何如柰  
何取死其手年曰飢寒死不如兵死快況死故鄉  
邪年遂去至謁保臯飲之極歡飲未卒聞大臣殺  
其王國亂無主保臯分兵五千人與年持年泣曰

非子不能平禍難年至其國誅反者立王以報王  
遂召保臯為相以年代守清海會昌後朝真不復至  
贊曰杜牧稱安思順為朔方節度時郭汾陽李臨  
淮俱為牙門都將二人不相能雖同盤飲食常睇  
相視不交一言及汾陽代思順臨淮欲亡去計未  
決旬日詔臨淮分汾陽半兵東出趙魏臨淮入請  
曰一死固甘乞免妻子汾陽趨下持手上堂曰今  
國亂主遷非公不能東伐豈懷私忿時邪及別執  
手泣涕相勉以忠義訖卒劇盜實負一公之力知其  
心不叛知其心難也忿必見短知其材益難也此

保臯與汾陽之賢等耳年投保臯必曰彼貴我賤  
我降下之不宜以舊忿殺我保臯果不殺人之常  
情也臨淮請死於汾陽亦人之常情也保臯任年  
事出於已年且寒飢易為感動汾陽臨淮平生冗  
立臨淮之命出於天子權於保臯汾陽為優此乃  
聖賢遲疑成敗之際也世稱周邵為百代之師周  
公擁孺子而邵公疑之以周公之聖邵公之賢少  
事文王老佐武王能平天下周公之心邵公且不  
知之苟有仁義之心不資以明雖邵公尚爾況其  
下哉嗟乎不以怨毒相其心而先國家之憂晉有



新奚唐有汾陽保阜孰謂夷無人哉

日本古倭奴也去京師萬四千里直新羅東南在  
海中島而居東西五月行南北三月行國無城郭  
聯木爲柵落以草茨屋左右小島五十餘皆自名  
國而臣附之置本率一人檢察諸部其俗多女少  
男有文字尚浮屠法其官十有二等其王姓阿每  
氏自言初主號天御中主至彥瀲凡二十二世皆  
以尊爲號居筑紫城彥瀲子神武立更以天皇爲  
號徙治大和州次曰綏靖次安寧次懿德次孝昭  
次天安次孝靈次孝元次開化次崇神次垂仁次

景行次成務次仲哀仲哀死以開化曾孫女神功  
爲王次應神次仁德次履中次反正次允恭次安  
康次雄略次清寧次顯宗次仁賢次武烈次繼體  
次安閑次宣化次欽明欽明之十一年直梁承聖  
元年次海達次用明亦曰日多利思比孤直隋開  
皇末始與中國通次崇峻崇峻死欽明之孫女推  
古立次舒明次皇極其俗椎髻無冠帶跣以行幅  
巾蔽後貴者冒錦婦人衣純色褰長褱襦結髮于  
後至煬帝賜其民錦綫冠飾以金玉文布爲衣左  
右佩銀籜長八寸以多少明貴賤太宗貞觀五年

遣使者入朝帝矜其遠詔有司毋拘歲貢遣新州  
刺史高仁表往諭與王爭禮不平不肯宣天子命  
而還久之更附新羅使者上書永徽初其王孝德  
即位改元曰白雉獻虎魄大如斗碼碯若五升器  
時新羅為高麗百濟所暴高宗賜璽書令出兵援  
新羅未幾孝德死其子天豐財立死子天智立明  
年使者與蝦蟇人偕朝蝦蟇亦居海島中其使者  
鬚長四尺許珥箭於首令人戴瓠立數十步射無  
不中天智死子天武立死子摠持立咸亨元年遣  
使賀平高麗後稍習夏音惡倭名更號日本使者

自言國近日所出以為名或云日本乃小國為倭  
所并故冒其號使者不以情故疑焉又妄夸其國  
都方數千里南西盡海東北限大山其外即毛人  
云長安元年其王文武立改元曰大寶遣朝臣眞  
人粟田貢方物朝臣眞人者猶唐尚書也冠進德  
冠頂有華籬四披紫袍帛帶眞人好學能屬文進  
止有容武后宴之麟德殿授司膳卿還之文武死  
子阿用立死子聖武立改元曰白龜開元初粟田  
復朝請從諸儒授經詔四門助教趙玄默即鴻臚  
寺丞師獻大幅布為贄悉賞物賀書以歸其副朝

臣仲滿慕華不肯去易姓名曰朝衡歷左補闕儀  
王友多所該識久乃還聖武死女孝明立改元曰  
天平勝寶天寶上二載朝衡復入朝上元中擢左  
散騎常侍安南都護新羅梗海道更繇明越州朝  
貢孝明死大炊立死以聖武女高野姬為王死白  
壁立建中元年使者真人興能獻方物真人蓋因  
官而氏者也興能善書其紙似蠶而澤人莫識貞  
元末其王曰相武遣使者朝其學子橘免勢浮屠  
空海願留肄業歷二十餘年使者高階真人來請  
免勢等俱還詔可少諾樂立次嵯峨次淳和次仁

明仁明直開成四年復入貢次文德次清和次陽  
成次光孝直光啓元年其東海嶼中又有邪古波  
邪多尼三小王北距新羅西北百濟西南直越州  
有絲絮怪珍云

流鬼去京師萬五千里直黑水靺鞨東北少海之  
北三面皆阻海其北莫知所窮人依嶼散居多沮  
澤有魚鹽之利地蚤寒多霜雪以木廣六寸長十  
尺系其上以踐冰遂走獸土多狗以皮為裘俗被  
髮粟似莠而小無蔬菘它穀勝兵萬人南與莫曳  
靺鞨鄰東南航海十五日行乃至貞觀十四年其

王遣子可也余莫貂皮更三譯來朝授騎都尉遣  
之龍朔初有僭羅者其王儒李都羅遣使入朝國  
居新羅武州南島上俗朴陋衣大豕皮夏居革屋  
冬密室地生五穀耕不知用牛以鐵齒把土初附  
百濟麟德中酋長來朝從帝至太山後附新羅開  
元十一年又有達未婁達姑二部首領朝貢達未  
婁自言北扶餘之裔高麗滅其國遺人度那河因  
居之或曰他漏河東北流入黑水達姑室韋種也  
在那河陰凍未河之東西接黃頭室韋東北距達  
未婁云

東夷列傳第一百四十五

